

芸窗詞一卷

張渠

芸窗詞

目錄

孤鸞一調	燭影搖紅一調	摸魚兒二調
青玉案一調	浪淘沙二調	水龍吟一調
西江月一調	孤鸞一調	水龍吟四調
念奴嬌二調	虞美人三調	沁園春一調
凱歌一調	飛雪滿堆山一調	絳都春一調
朝中措一調	千秋歲一調	青玉案三調
沁園春一調	金縷曲一調	賀新涼一調
醉落魄一調	摸魚兒一調	瑞鶴仙一調
沁園春一調	木蘭花慢一調	好事近一調
摸魚兒一調	唐多令一調	賀新涼二調
滿江紅一調	浪淘沙二調	摸魚兒一調
木蘭花慢一調	祝英臺近一調	滿江紅一調
鷓鴣天一調	安慶模一調	

芸窗詞目錄終

芸窗詞目錄

世云窗詞

宋 張 集

孤鸞（次虛齋先生梅詞韻。虛齋詞云：江南春早，問江上寒梅，占春多少。幾點殘星細，萬里春風到。幽香不

知甚處，但迢迢滿江煙草。回首誰家，竹外有一枝斜好。記當年曾共梅花笑，念玉雪襟期有誰知道。喚起

羅浮夢，正秦橫月小。淒涼更吹寒管，漫相思鬢華驚老。待覓西湖半曲對霜天清曉。）

塞鴻來早，正碧瓦霜輕，玉麟寒少。昨夜南枝，一點陽和先到。黃昏半窗淡月，照青青謝池春草。此際虛齋心事，與此花俱好。竿巡簷案共梅花笑，是千古風流，少陵曾道。爭似油幢下對一枝春小。江城慣聽畫角，且休教玉關人老。好試和羹手段，向鳳池春曉。

燭影搖紅（再次虛齋先生梅詞韻。虛齋詞云：乍冷還暄，小春時候，今朝轉三分。曆日一分休，鏡裏清霜

滿雲幕低垂不捲。矮窗明紅麟初暖，老來活計，白酒三杯，黃庭一卷。萬里關河，朔風吹斷邊聲遠。倚樓脈脈數歸鴻，誰會愁深淺。最苦山寒日短，但梅花相看歲晚。何人金屋，巧轉歌鶯，漫調箏雁。）

春小寒輕，南枝一夜陽和轉。東君先遞玉麟香，冷蕊幽芳滿。應把珠簾暮捲，更何須金猊香暖。千山月淡，萬里塵清，酒尊經卷。樓上胡牀，笑談聲裏機謀遠。甲兵百萬出胸中，誰謂江流淺。憔悴狂胡計短，定相將來朝悔晚。功名做了金鼎和羹，捲藏袍雁。

摸魚兒（送邵瓜坡赴含山尉，且堅後約。）

正挑燈共聽簷雨。問誰催動行色。風前千點離亭恨。惟有落梅知得。王謝宅。記前度斜陽燕子。曾相識。花香霧。無計強追隨。陽關聲斷。回首暮雲隔。文章貫。合上薇垣梧掖。征鞍底事。江北青衫。莫對韓彭著。還是玉麟佳客。須記憶。有衿佩鏘鏘。正願依重席。茶藥未折。次第牡丹開。一尊留待。相與醉寒食。

又（送上元玉簿回府）

正桃花漸蜚紅雨。依稀一半春色。東風十里離亭恨。楊柳絲絲如織。遠又憶。向雪月梅邊陶寫吟情逸。清愁拍拍。算祗暮山知。棲鴉斜照。春樹渺空碧。文章貫。合整垂雲健翼。翔鸞底用棲棘。要尋玉洞煙霞勝。聊趁麟符蜚檄。歸聽急。看塵袂方清。有恩綸催入。鳧仙倦鳥。相與問孤山。開尊抵掌。一舸畫橋側。

青玉案（被檄出郊題陳氏山居）

西風亂葉溪橋樹。秋在黃花差處。滿袖塵埃推不去。馬蹄濃露。雞聲淡月。寂歷荒村路。身名多被儒冠誤。十載重來慢如許。且盡清尊公莫舞。六朝舊事。一江流水。萬感天涯暮。

浪淘沙（和上元玉仇香猷含山邵梅仙有渙敘別）

風色轉東南。翠擁層巒。杏花疏雨逗清寒。鍾阜石城何處是。煙靄漫漫。行旆已西關。一霎時。問芳尊。聊復挽餘歡。明日斷魂分付與。萬疊雲山。

又（再和）

雨過暮天南。高下青巒。小樓燕子話春寒。多少夕陽芳草地。霧掩煙漫。別恨正相關。心上眉間。離歌一曲。問悲歡。後夜月明何處夢。鍾阜容山。

水龍吟（次韻盧齋先生雨花宴）

暮雲低鎖荒臺。凭闌四望。天垂地。曼花半夜。蜚香繚繞。昔人曾記。往事悠悠。物華非舊。江山仍麗。悵斜陽芳草。長安不見。誰共灑。新亭淚。開放林巒舊址。動騷人。一番詞意。青油幕裏。相忘魚鳥。水邊雲際。卻恨清遊。未能追逐。區區僚底。問何時脫了。塵埃墨綬。爲盧齋醉。

西江月

春事三分之二。落花庭院輕寒。翠屏圍夢寶熏殘。窗外流鶯聲亂。睡起猶支雪腕。覺來慵整雲鬟。閒拈樂府幾闌干。宿酒纔醒一半。

孤鸞（以梅花爲趙嬾窩壽）

荆谿清曉。問昨夜南枝。幾分春到。一點幽芳。不待隴頭香耗。亭亭水邊月下。勝人間等閒花草。此際風流。誰似有嬾窩詩老。且向虛簷。淡然索笑。任雪壓霜欺。精神越好。最喜庭除下。映紫蘭嬌小。孤山好喜舊約。況和羹用功宜早。移傍玉階深處。趁天香繚繞。

水龍吟（寄興）

暮天絲雨輕寒。寒光春色看看過。梅花謝了。蒼苔萬點。香殘粉汗。猶喜牆頭。一枝嬌裊。杏腮微露。算幾回逗曉。朱闌獨倚。悄只怕。東風大。浮世名韞利鎖。這區區要須識破。滄波夜月。翠微雲樹。依然還我。重結鷗盟。細聽鶯語。自歌自和。問黃沙飛鏹。紅塵走馬。又還知麼。

又

畫長簾幕低垂。時時風度楊花過。梁間燕子。芹隨香鬢。頻沾泥汙。苦被流鶯。蹴翻花影。一闌紅露。看殘梅飛盡。枝頭微認。青青子。些兒大。誰道洞門無鎖。翠苔蘇。何曾踏破。好天良夜。清風明月。正須著我。閒展蠻牋。寄情詞調。唱成誰和。問曉山亭下山茶。經雨早來開麼。

又（頑雪欺春。葵軒兄用韻。因次其韻。）

先來花較開遲。怎禁風雪摧殘過。紅英紫萼。從他點綴。翻成沾汙。一點清香。幾多穠豔。緊藏不露。伴楊花散漫。逡巡堆積。纖粟處。妝成大。多謝東君造化。把羣陰。一朝除破。千機錦繡。露濃香輦。中間坐我。嚼徵含商。振金敲玉。損篴相和。問西湖別有一番桃李。肯同遊麼。

又（丁經之用韻詠園亭。次韻以謝。）

近家添得園亭。曉山時看飛雲過。擁石栽梅。疏池傍竹。翦除蕪汙。更喜南牆。杏腮桃臉。含羞微露。算鶯花世界。都來十畝。規模好。何須大。開放兩眉上鎖。把春前新醅撥破。病酒無聊。且容觴客。無多酌我。底用歌喉。柳邊自有鳴禽相和。逗歸來折得。花枝教看。似人人麼。

念奴嬌（重午次丁廣文韻）

楚湘舊俗記包黍沈流。緬懷忠節，誰挽汨羅千丈雪。一洗些魂離別。贏得兒童紅絲纏臂。佳話年年說。龍舟爭渡，搴旗撻鼓，驕劣。誰念詞客風流。菖蒲桃柳，憶閨門鋪設。嚼徵含商陶雅興。爭似年時娛悅。青杏園林，一尊煮酒，當爲澆悽切。南熏應解，把君愁袂吹裂。

又

三閭何在，把離騷細讀。幾番擊節。薤蒿椒蘭紛江渚。較以艾蕭終別。清濁同流。醉醒一夢。此恨誰能說。忠魂耿耿，祇憑天辨優劣。須信千古湘流。練絲纏黍，端爲英雄設。堪笑兒童浮昌歎。悲憤翻爲嬉悅。三嘆靈均，竟罹讒網。我獨中情切。熏風窗戶。榴花知爲誰裂。

虞美人（和閩坡催梅韻二首）

金爐銀就裙紋摺。香燼低雲月。玉鈿黏唾上眉心。不似壽陽檐下六花清。翠禽飛起南枝動。驚破西湖夢。仗誰爲作水龍聲。吹綻寒葩，詩眼爲君青。

又

小蠻纔把鴛衾摺。妝就梳橫月。探梅不似舊年心。卻愛窗前紙帳十分清。朔風吹起寒雲動。午寢都無夢。黃昏更被竹枝聲。喚起醒醒相對一燈青。

又（借韻）

龍香淺漬羅屏褶。睡思低眉月。閒愁閑悶不關心。心似窗前梅影一般清。繡幃交掩流蘇動。一覺華胥夢。枕山輕。夏寶釵聲。粉褪香腮零亂髻。鶉青。

沁園春（爲題嬾窩壽）

靜壽先生。笑傲四并。醉眠嬾窩。甚一枰棋。攘掉頭不顧。同舟風緊。袖手高歌。太白詞華。更生忠憤。爲問山林。老得麼。須知道。有淮碑未作。語石當磨。年來君子無多。試屈指如公能幾何。況芻蕘公論。新曾推許。冕旒異容。行見搜羅。澤潤生民。洗清兵甲。待挽錢塘江上波。功名就。訪蟠桃把玩。銅狄摩挲。

凱歌（爲壑相壽）

雙闕護仙境。萬壑渺清秋。台躔光動銀漢。神秀孕公侯。胸中千崖灝氣。筆底三江流水。姓字桂香浮。十載洞庭月。今喜照揚州。捧丹詔。陞紫殿。建碧油。胡兒深避沙漠。鈴閣輕裘。點檢召棠遺愛。醞釀潘興喜色。英裔蔚文彪。整頓乾坤定。千歲侍宸旒。

飛雪滿堆山（次趙西里肅行喜雪韻）

愛日烘晴。梅梢春動。曉窗客夢方還。江天萬里。高低煙樹。四望猶擁螺鬟。是誰邀滕六。釀薄暮。同雲沍寒。卻元來是。鈴閣露熏。俄忽老青山。都盡道年來須更好。無緣農事。雨澍風慳。鵝池夜半。街枚飛渡。看尊俎折衝間。儘青油談笑。瓊花露。杯深量寬。功名做了。雲臺寫作畫圖看。

絳都春(次韻趙西里遊平山堂二詞)

平山老柳。寄多少勝遊。春愁詩瘦。萬疊翠屏。一抹江煙。渾如舊。晴空闌檻。今何有。寂寞文章身後。喚回奇事。青油上客。放懷尊酒。知不全淮。萬里羽書。靜草綠長亭津堠。小隊出郊花底。麝香閒時候。和熏籌幕。垂春晝。坐看蓉池波皺。主賓同會。風雲盛名可久。

朝中措(前題)

誰云萬事輕頭空。春寓不言中。底間垂楊在否。年年一度東風。憑高慨古。英雄亦淚。我輩情鍾。事業正須老手。清吟留與山翁。

千秋歲(爲壻翁母夫人壽)

鶴城秋曉。又慶生朝到。人與月。年年好。黑頭公相貴。膝下歡娛笑。君知否。箇般福分人間少。塞上西風老。紅入霜前棗。日日有平安報。慈顏酩酊。淺一卮金杯小。香繚繞。壽星明處。台星照。

青玉案(和何使君次了翁韻三首)

嚴城寂寞山繚繞。覺寒透貂裘峭。雲壓江天風破曉。飛瓊萬頃。看來渾似。澤國蘆花老。玉山不怕頻頻倒。要筆陣縱橫快揮掃。見說今年梅較早。笑將名勝。下鍾馗字。誰似邦侯好。

又

少時貪看瓊林繞。任馬上寒威峭。昨暮六花飛逗曉。擁衾慵起。鬢絲籠帽。頓覺年來老。朱闌

翠竹枝枝倒。把玉甃稜層趁風掃。樓上一尊須放早。同雲收盡。紅輪初上。對面狼峯好。

又

龍香熏被羅屏繞。任窗外風兒峭。鴛枕夢回雞唱曉。丫鬟驚笑。瓊枝低亞。錯認梅花老。紅爐獸炭裝還倒。強梳洗忙將黛眉掃。貪趁清歌爭怕早。弓靴微溼。玉纖頻袖。塑出獅兒好。

沁園春（爲壑相壽）

思昔買臣。懷綬會稽。年猶五旬。算初無功用。維持國事。但將富貴。誇耀時人。未若先生。方當強仕。掌握長淮百萬軍。難摹寫。是擎天拓地。緯武經文。河濱胡馬嘶春。便密運機籌。出萬全。擁熊旂。指授。鷹揚。闊。甌。裘。膽。落。鼠。逸。狐。奔。褒。詔。飛。來。威。名。加。盛。從。此。不。須。關。玉。門。歸。朝。也。看。雲。臺。畫。像。金。鼎。調。元。

金縷曲（次韻拙逸劉直孺見寄言志）

粉社新相識。恍睽君丰神氣貌。飄然仙白。筆底三江鯨浪注。胸次一甌冰雪。怎不做龍門上客。坎止流行元無定。敢一朝挨卻塵泥迹。且膽把。錦雲織。試看自古賢侯伯。一時間失雖暫失。得還終得。儻石空無君家事。百萬付之一擲。漸養就搏風鵬翼。任你祖鞭先著了。占鷗天浩蕩。觀浮沒。挈富貴。等兒劇。

賀新涼（次拙逸劉直孺維揚客中韻）

襟度天爲侶。價平生放浪江湖。浮雲行住。倒挽峽流歸筆底。袞袞二并四具。何向友滄波鷗鷺。藻鑑皇猷君能事。況賢書兩度登天府。急著手。佐明主。晴風一舸來瓜步。翦燈花尊酒論詩。頓忘羈旅。逗曉蠻牋傳金縷。一片瑰詞綺語。甚獨壘。抽成長緒。當代壑翁文章伯。定不教彈鋏。輕辭去。留共濟孤舟渡。

醉落魄（次韻趙西里梅詞）

瑤姬妙格。冰姿微帶霜痕作。一般惱殺多情客。風弄橫枝。殘日半窗白。孤山仙種曾移得。結根久傍王猷宅。欲賤心事呼雲鬪。爲報年芳。萍梗正南北。

摸魚兒（爲趙壘窩壽）

猛思量。壘窩初度。魯雲呈瑞時節。平山楊柳蒼茫外。猶是鄉關明月。春漏洩。定知有梅花先向江南發。煙波夢闊。漫約住西風。呼將寒雁。把酒爲君說。君看取。世道羊腸屈摺。依然熟路輕轍。林泉暫洗輕綸手。桐柏夜香熏徹。趨魏闕。指天上星辰平步。儀清切。蟠桃未結。待做著功名。卻尋曼倩。相與帶花折。

瑞鶴仙（次韻陸景思喜雪）

碧油推上客。有神機沈密。參運帷幄。威聲際沙漠。慶雲飛川泳。和熏三白。霄淵負高。甚探梅也來相約。更誰憐久客。泥深穿屐。栖栖東郭。農麥年來管好。禾黍離離。詎忘關洛。風高水涸。多

少事待輶路。看鵝池夜渡。黎明飛捷。兒輩惺惺未覺。使衝寒鐵騎橫驅。汛掃六合。

沁園春（代人上吳履齋集賢壽）

綠野歸來。筇杖角巾。豈不快哉。有清泉白石。東西巖岫。翠陰紅影。高下樓臺。況是蕤賓槐庭暑薄。照眼葵榴次第開。輕熏裏。煎香蒲爲壽。一笑傳杯。栽培多少英材。更霖雨看看徧九垓。算支撐厦屋。正資梁棟。調和鈞鼎。須用鹽梅。旋覓興思。綰紳顙望。應有天邊丹詔催。依還是。爲蒼生一起。重位元台。

木蘭花慢（上壑翁壽）

豆花輕雨霽。更七日。是中秋。記分野三台。家山雙闕。孕秀名流。平生佐時大略。有中勤。一念等伊周。十載清風楚澤。三年明月揚州。須知萬竈出貔貅。智勇邁前猷。自向來。擣穎。番平海。膽落氍毹。紅旂指關定洛。看春融。喜看色動宸旒。著取斑衣綉袞。揭開玉宇金甌。

好事近（九日登平山和王帥幹應奎）

素筆走龍蛇。難覓醉翁真跡。惟有斷崗衰草。是幾番經歷。紫萸黃菊又西風。同作攜壺客。清興未闌歸去。負晴空明月。

摸魚兒（九日登平山和趙子固帥機）

望神京目斷煙草。青天長劍頻倚。香街十里朱簾月。空想當年華麗。堪嘆處。沙靄蒹葭咿嘰雁。

聲起平山漫記。恨楊柳春風。晴空闌檻。陳迹總非是。重陽好。紅葉黃華滿地。良辰美景如此。青油幕府傳芳聲。苒苒露瓊花氣。還更喜。看玉闌。規恢笑聘伊吾志。塵清北冀。便向關洛聯鑣。巍巍冠佩。麟閣畫圖裏。

唐多令（九日登平山和朱帥幹）

斜日淡蕪煙。重陽又一年。恨垂楊幾度飛綿。只把晴空山色看。多少恨。倩誰牋。沙鷺暗中原。枕戈誰夜眠。盡今宵。且醉花邊。準擬來秋天氣好。重把菊嗅芳妍。

賀新涼（壽壑相母夫人）

萸菊香凝霧。記重陽纔經三日。悅懸朱戶。紫殿玉垣稱壽。曄曄瓊花清露。正萬里塵清淮浦。地瑤從來標瑞應。甚新會秀出金芝樹。正此處。誕申甫。人間小住千秋歲。畫堂深綵侍怡聲。慈顏笑語。況是加恩封大國。錦詠鸞翔鳳舞。便娛侍魚軒沙路。御東金泥宣曉宴。捲宮簾爭看元台母。家慶事。耀今古。（是年加封大國。壑相生于寶應。近芝生于是邦。）

又（送劉澄齋制幹歸京口）

匹馬鍾山路。恨年來只解郵亭。送人歸去。季子貂裘塵漸滿。猶是區區羈旅。漫空有劍峯如故。俾肉未消儀舌在。向尊前莫灑英雄淚。鞭未動。酒頻舉。西風亂葉長安樹。嘆離離荒宮廢苑。幾番禾黍。雲棧縈紆今平步。休說襄淮樂土。但袞袞江濤東注。世上豈無高臥者。奈草廬煙鎖。

無人顧。賤此恨。付金縷。

滿江紅（壽壺相）

淮海波澄。湛桂影、半窺涼月。又還是、中秋相近，垂弧時節。偷請飛來宸眷重。綵衣著處慈顏悅。注紫清、花露入瑤卮。瓊香滑。揮羽扇，持旄鉞。鯨海浪，陰山雪。著威聲到處，遐衝都折。沙溪遠，標銅柱界。關河盡補金甌缺。君臣千載會風雲。看伊說。

浪淘沙（次韻孫舜齋制參雨中海棠）

春夢草茸茸。愁雨愁風。對花須拚酒頻中。莫遣枝頭銀燭暗，辜負嫣紅。推起簿書叢。何苦匆匆。慳吟卻說少陵公。天定爲花開一笑，日上籬東。

又（再用前韻定出郊之約）

煙縷暗蒙茸。楊柳輕風。雨聲多在夜窗中。春水漸生春事去，流盡殘紅。新筍綠叢叢。鶯語匆匆。一尊同醉定林公。十里長松青未了，山北山東。

摸魚兒（茶蘼）

正莓牆、柳綿低度。枝頭紅紫飛盡。樓陰漲綠冰鈿碎。浥浥麝蘭成陣。仙骨嫩。悅姑射、瑤姬青幘。游瑤苑。風前有恨也。一似宮梅。飄香墜粉。輕點壽陽鬢。梨花雪。搆道全無清韻。何曾留到春。晚柔條、不受眞珠露。滴瀝紫檀心。暈芳又問。待按放金尊。拚作通宵飲。日高慵困。任翠幄低雲。

玉熏泛夢，路入醉鄉穩。

木蘭花慢（次韻孫霽窗賦牡丹）

漸稠虹飛盡，早穠綠徧林梢。正池館輕寒，楊花飄絮，草色縈袍。天香夜浮院宇，香亭亭雨檻清。
春膏趁取芳時勝賞，莫將年少輕拋。鞭鞘驅放馬蹄高，世事一秋毫。便飛書倥偬，運籌閑暇，
何害推敲花前效顰著句，惜千鏤側畔，奏鉛刀。何日重攜尊酒，浮甌細翦香苞。

祝英臺近（賦牡丹）

柳綿稀，桃錦淡，春事在何許。一種瓊華，天香漬冰露。嫩苞疊疊湘羅，紅嬌紫妬，翠葆護西真仙侶。
試聽取，更饒十日，看承霞映，汗塵土。池館輕寒，次第少風雨。好趁油幕清閑，重開芳醕，莫孤負鶯歌蝶舞。

滿江紅（壽壑相）

玉壘澄秋，又還近桂華如璧。算六載籌邊整暇，幾多功績。鐵壁連雲東海重，驚波截斷狂鯢翼。
把向來，搗穎舊規模，平淮北。經濟妙，誰知得。總都是，詩書力。有召公家法，范公胸臆，赫赫勛名俱向上。
綿綿福壽宜無極。看彩衣輝映，袞衣榮，恢霖澤。

鷓鴣天（壽定庵運管兄）

飽挹臺城白鷺秋。又騎黃鶴上江州。恩波浩蕩三千里，多少人家願借留。
壽暉菊香浮，姓名

還喜到宸旒。片□□□□□□□振□□□下流。

安慶模（和孫幾）

渺長江浩無今古。悠悠經幾流景。橋家松竹知何在。寂歷丹楓如錦。行陣整。想鬪艦連艘。談笑
煙灰冷。寒光萬頃。算只有當年。暮天霜月。慘澹照山影。元戎隊。畫角梅花緩引。樓船飛渡。波
穩中流。擊楫酬初志。此去君王高枕。應暗省。使萬里塵清。誰遜周公瑾。勛名不泯。看陽蟄潛開。
老龍挾雨。淵睡爲民醒。

芸窗詞跋

方叔南徐人。與了翁虛齋相友善。最喜作次韻小令。惜諸家詞選不載。余遇得芸窗詞全帙。如正挑燈共聽夜雨。幽韻不減陸放翁。如小樓燕子話春寒。豔態不減史邦卿。至如秋在黃花。羞澀處。又苦被流鶯蹴翻花影。一闌紅露等語。直可與秦七黃九相雄長。或病其饒貧寒氣。毋乃太貶乎。古虞毛晉識。

宋六十一名家詞

一六